

思伯子堂詩集

思伯子堂詩集卷十一

建甯張際亮亨甫

鍾仰山侍郎黃樹齋太史招陪潘芝軒總憲觀荷  
花同集者潘紱庭公子吳蘭雪刺史

己丑

歐陽文章世所無高才弟子推曾蘇去年江左擁使節  
丰采第一瓊華附當時回首十刹海花花葉葉皆光彩  
固應重與作生朝待我追歡叔弼在雕闌翠石波中央  
太液欲起秋風涼一權登亭宛畫舸萬枝照影垂紅妝  
香雲曉靄空濛徧四面樓臺金碧眩低徊白鷺靜不飛  
窈窕紅衣嬌始顛是日浴海金鴉寒輕陰覆水還團團

悠悠潛鱗露蓋動蕭蕭過馬虹梁盤三壺隱度神仙界  
北渚遙思帝子話坐來天上不知塵憶到人間真入畫  
行廚進食遞棹舟銜杯解帶俱風流主客情懷盡一醉  
師友意氣誰千秋我愧名公忘分位酣歌共惜催歸騎  
明朝挂席獨滄洲到處芙蓉木末墜

文章之伯當世無歐陽門下匹曾蘇同時四子各秀發  
弱冠欲竝東坡驅去年觀荷十刹海雙持使節有光彩  
已看手探第一花花待主人重蓓蕾今來復與作生日  
座中之客仍叔弼好士皆忘分位尊追歡不厭招尋出  
雕闌文石波中央太液欲起秋風涼登亭一權宛畫舫

照影萬枝明曉妝香雲朝靄圓如鏡四面橫臺金碧映  
亞煙窈窕紅花垂落雪低徊白鷺淨是時陽烏斂翼上  
天與輕陰恣幽賞潑潑錦鱗露葉翻蕭蕭車馬虹梁響  
行廚進食移棹舟銜杯解帶俱風流師友情懷盡一醉  
主賓意氣高千秋不知身已入圖畫隔岸觀者遙指話  
閒思帝子北渚游豈羨神僊十洲界倦客憶家曾幾度  
飄然欲覓滄瀛渡且從木末攀芙蓉莫悵山河生桂樹  
七月四日出都至通州作

晨風起北林朔雁懷南飛飄飄向天末倦羽將何依  
啾空倉雀鳳凰同苦鏡不見丹穴閒五色無光輝

故人戒車馬送我大道旁

羽可考廉樹齋太史海秋詞部際唐明經

痛飲揮

手去此別何能忘文章通性命意氣非清狂常恐春芳

歇奄忽秋露涼秋露何淒淒明河高且長

關外二十里已見煙沙昏榆柳何鬱鬱東西枝柯繁上

有鳴蟬哀下有馬跡紛往來名利客過如飄風奔何當

百年心爲此道路勤

神倉營朔方東南資儲胥邇來屢河決頗復艱轉輸連

丁或好鬪長官徒嗟吁殺人投水中流尸化爲魚念此

失籌策行邁心踟躕

北方地苦瘠俗悍多莠民茲地更佻薄黠吏相因循斛

量靈出入運丁半著貧豈無禁誠條不如耳目親吾聞  
古刀筆或起爲相臣小人不學道誰使澆風消念此失  
籌策行邁心逡巡

野泊

地近河西務人初北斗還鄉心望牛女秋氣入關山鬢  
易涼風覺波空落月閒輝輝亂螢影遠火幾張灣

七夕

地盤幽薊橫遼海水合榆渾向直沽倦客天涯舟徧涉  
異鄉秋思月同孤蒼茫叢莽明村火迢遞危橋過夜烏  
誰與金樽娛永夕獨看銀漢感征途

聞笛

昨宵聽振孤舟笛倚醉風前感萬端  
月裏關山愁獨覺天涯楊柳折方殘  
路河盡作冥冥雨海淀波連渺渺寒  
沙雁煙蟬總秋色蒼龍吟罷更迴看

天津

白河出滄海復沂衛河流此水自離合  
吾生何去畱魚蝦成晚市楊柳入新秋  
天上分明月相隨到處舟

哀崔君

崔君名國琚安徽太平縣廩生援例捐鹽大使  
去春謁選遇余於山東塗次遂同行七月而君

卒於寓舍年未三十昨舟中偶簡舊篋得君所  
贈徽墨慨然傷之爲賦長句將以寄其家

盛年豈曰厭仕宦况君江左之豪宗去家千里一病促  
骨肉猶在夢魂中固知富貴生死際如彼花事隨飄風  
嗟余顛顛寡歡笑相逢道路尤慙慙名香先茗手持贈  
枯煙燒出黃海松報以錢紙淚沾臆天涯靈輿招不得  
秋月春風又一年錦匣摩挲愁徽墨我雖失意能生歸  
幽并忍受塵土黑浪跡何妨水鳥笑索飽任取河魚食  
求仕之變豈有極誰爲世人苦嘆息

楊柳青



楊柳青青楊柳青  
渡頭風色接長亭  
糧船攬遍江南笛  
獨有征人月下聽

靜海舟中

濁漳復清泚  
誰辨此茫茫  
夕照閃帆影  
月華生水光  
心隨去鳥遠  
秋與斷蟬涼  
夜泊不須問  
歸舟同故鄉

洗象行

六月樹齋太史招同蔣笙咳

立鑑

贊善陳登之

別駕小集是日爲每歲洗象之期因約爲詩余  
恩恩未暇作七月十一日衛河舟中補賦此奉

寄

大象凌峨勢若山小象碾礪岡與巒清晨象奴駘象  
道傍觀者精堵環滄波蹴踏地搖盪下泗上踴非一  
象奴狎象如狎人婦孺相對皆惆悵傳有二象前明遣  
黃牙脫落餘蒼皮此象馴良善駕

輦出與

天子相追隨

聖人首作百獸舞餘象十數亦就撫歲時

頒賜天廐錢統以儀使居以廡剝膚齧齒情誰偷徧體  
或恐成瘡痍年年此日放洗浴淋漓戲水奔羣虬有容  
困之三嘆息何限滄桑悲勝國豹房虎圈恣盤游山河

皇朝詩林卷之二十一  
五  
轉眼烽煙黑當時闖逆呼象來象怒不跪亦可哀卽今  
二象銅駝似荆棘曾看晉闕灰承平且莫多幽怨請君  
觀罷聊同飯我

皇謁

陵崇

孝思今秋減責駝羣健

今年皇上恭謁  
橋外駝隻不滿額  
祖陵例

車及直隸買  
新駝供應

虎園行

余既作前詩因憶去年七月十六日借孟慈農  
帶游玉泉山遂觀虎園有可感焉並補以詩

君不見圓明園邊有虎圈三虎一豹參元熊此皆惡獸  
最猛突咆哮昔在深山中深山獵火迹不至拂肉以食  
何梟凶晝伏夜起若有伺慘澹崖谷來雨風誰有大力  
檻致是圈中向人猶怒視投以羊豕據地號爪牙森動  
天蕭騷兒童百錢輕一顧圈奴買醉嬉而去圈奴飼虎  
如餉人慎勿逸出傷吾民

滄州

泊易唐年舊功思禹迹虛黃河無故道滄海有歸墟沙  
迴看奔馬城荒欲上魚蕭蕭更風雨酒價問何如

秋蟬曲

夕陽風色夕陽天流水人家流水煙十載歲時看過鳥  
一聲道路感鳴蟬鳴蟬乍作紛如雨飄蕭楊柳愁千縷  
長夜何知飲露清高枝但覺吟秋苦江南少婦理哀絲  
妬影嫦娥學畫眉渡口桃根迎不到門前梧子正相思  
迢迢目斷明河曲雲屏羞掩移銀燭錦瑟拋殘五十絃  
淚痕如線紫紅玉此時齊女怨何深碧樹無情斷續音  
腸斷人閒無好夢信知天未有羈心羈孤況是他鄉客  
似聽哀笳十八拍鸚鵡秦州話別離鷓鴣湘浦悲遷謫  
玉門七月已新霜吹笛關城榆葉黃絡繹蕭蕭催夜織  
寒衣幾日到伊涼復有漢宮撫紈扇月殘風曉闌都徧

半死真憐長信花雙棲獨羨昭陽燕大抵情多恨轉多  
冷蛩孤雁總如何咽來疏雨驚黃雀啼罷遙山黯翠螺  
我本倦游最悽愴關河爲汝添惆悵猶記紅葉碧沼閒  
卷書水檻迎初唱少年回首寸心非萬里今衝殘暑歸  
蟹眼細思砂水幻堪輿家以低一寸爲水高一寸爲砂故又有蟹翼砂蟹眼水之說時余欲改葬先慈且補述累故歸貂裘做似采雲飛金錢莫化凌空蝶蕭瑟  
哀蟬併落葉不及樓船向五谿瘴鴛吹墮風跼跼

秋燕曲

倦客迢迢向故鄉可憐燕子逐人忙一時草木皆秋色  
萬里關河入夕陽夕陽遠極天低處燕子方看獨來去

掠水頻教宛轉飛因風且作徘徊顧鴛鴦翡翠自爲羣  
白鷺鳧鷖亦似塵覓食已荒隋苑土營巢空憶漢宮春  
漢宮三月花如綺宮娥照影千花裏海棠睡足暈嬌紅  
愁重身輕扶不起偶然繡箔被風開紫領烏衣見汝來  
肯傍深棲如熟識每聞小語不嫌猜亦有豪家解歌舞  
香塵散作黃昏雨棟徧堂前玳瑁梁蹴迴月下珍珠鼓  
玉釵金勒大道邊清明最好上河天梨花漠漠亭皆雪  
楊柳依依水是煙此時紅粉踏青歸此時陌上翻追隨  
兒女相逢幾私祝年年上下莫差池銜泥哺子曾幾日  
美人高樓劇清瑟已恨江湖轉雁鴻怕教風雨催蟋蟀

舊時王謝竟如何。門巷淒涼落葉多。  
寒蕪與啄廢銅駝。千齡萬代悲無極。  
弱羽透遲懷海國。冉冉空餘警露心。  
栖栖苦羨垂雲翼。白頭父老坐沙堤。  
謂我諸緣那得齊。且共逍遙狎魚鳥。  
不勞得失問蟲雞。我于萬事思量徧。  
偶觸閒愁到秋燕。滄波浸溼玉蟾蜍。  
向曉孤飛君不見。

自題前二詩後

浪說雲龍解作霖。卻慙沙鳥獨沾襟。  
秋風秋雨滄州曲。千載誰知一日心。

爲樹齋太史題畫四首

思伯子堂詩集

卷十一

八



頃在都門太史以諸圖屬題未暇作也臨行復  
以爲言十三日阻雨滄州率賦奉寄

絕壁倚寒空風泉漱石髓萬籟晝蕭蕭太古雲如洗君  
家僊人厓幽聽亦類此收之入新詩其言清無滓

右文  
衡山

巖泉

圖

至音本天地其感通性情蒼茫蕭瑟際元籟希微生風  
濤自汨沒猿鳥常悲鳴鮫人居島閒豈識瑤琴聲意以  
得妙悟學以勞思成于詩亦如是神解非從形君工流  
水曲入耳吾能名尙期訪成連一類神山青神山高崔

崔滄海深冥冥

右成連  
刺那圖

五老在雲中蒼然開秀色似迎采藥人尋雲去何極絕  
頂矚深碧下峙千仞黑是有萬玉龍傾瀉秋河側君時

放高歌四友詫神力至今山水奇游者獨相憶

右游廬五老圖

故人昨持江左節有客贈以雲龍圖裝成置我側十日  
臨行欲賦心踟躕嗟君與我各意氣東野竊比昌黎徒  
三年我苦困外患有存者徒區區浮雲隨風落四野  
追思往事淚盈把憶我丙戌始識君其月仲冬地蘭若  
張衡名從公叔聞陳蕃榻爲孺子下依人作宦喜比鄰  
寒夜相過霜在瓦朔方歲暮天蒼涼白月出漢流清光  
醉呼秦青摘絃索起舞卻視雙魚腸是時太白互西域

匹馬欲縛休屠王漢廷無人薦賈誼萬錢一飲空慨慷  
惡飈吹裂嚴城鼓並載或向車茵吐入春縱酒尤清狂  
花朝寒食花如雨何曾數日不相見僮僕失笑無賓主  
亦常醉就酒家眠脫君黃金換清醕事殊興極憂思多  
端陽送我南渡河右安門外楊柳色有人折傍離觴歌  
太湖蕩蕩青浸山西湖淼淼紅翻荷扁舟到處感君意  
幽意不盡如滄波滄波返載來時路京華握手秋已暮  
倉卒旋驅上谷車奔馳復冒南蠻霧近計及家正除夕  
望之慟哭門已素從此傷心住故鄉他鄉歡樂總非故  
去春人日君北來二月見君爲我哀我行易京復四月

五月冉冉見稀銜杯六月送君持節去君歸我去隆冬催  
卽今南北復遠別回首百日千低徊古來良友悲聚散  
而我與君又同歎怨別豈惟蹤跡睽話舊轉傷酣嬉漫  
秋聲滿地送帆楫夜火照書卷簾幔我獨周旋團扇持  
君應寂寞殘碑看吁嗟浮雲無定蹤但願君子眞爲龍  
文章光怪視鱗甲時事造次惟雷風雨霖定慰蒼生望  
圖畫將徵黃閣功紛紛世人交態薄比似當時有葉公

右雲龍圖

### 廢眠

冉冉風沈月暉暉水映天河魚銜夜纜海蛤吠沙田多

難常爲客孤愁又廢眠劇憐波北去今古送流年

舟至南皮

滄州滯雨連宵泊向曉檣帆泝浪欹渤海荒城空晉代  
御河明月似隋時平沙放馬秋光遠老樹吟蟬暝色遲  
萬里南荒歸不易鬢毛日夜北風吹

泊頭對月走筆作

七月十四月如鏡衛河百里流清光秋聲蕭蕭落遠近  
併出水氣生微涼扁舟四望惜孤影遙夜寄此波蒼茫  
少年隔浦奏夷樂唯嗚掩抑絃兩行天涯正有未歸客  
忍使聽之思故鄉柴門石徑杞菊大稻田沙礪畫蚓長

尻輪神馬夕飛越竟恨千里迷炎荒曾聞秦川費公子  
不列漢代諸侯王萬家守冢置何日一賦登樓古所傷  
爲羽可孝廉題畫五首

羽可在都下所屬也十五日東光舟中作之奉

寄

明月無古今空山無人我收之方寸閒獨立無不可蒼  
茫人海內辟彼飄飄舵進者靈風引退者弱水墮進退  
復何憑悵望揚塵塚新涼入朔塞居庸高碣破天末斷  
雲飛東南憶歸舸前身仙弟子歷劫奚坎壈十年宰相

費乃負煨芋火

右蒼茫  
獨立圖

狷介乃多謗明哲乃多憂出入無所之四海吾誰尤  
仙人天際五城十二樓乘以兩白鳳控以千青虬吐納  
風雲氣俯仰河漢秋高詠左思詩濯足萬里流

右濯足萬里流

圖

羽可寫竹子滿堂生秋風長夏五六月清涼轉炎穹一  
日數十幅態異神則同我思瀟湘岸影落千籜龍二妃  
乘月出手把金芙蓉虞舜不可招蒼梧夜籠從至今蕭  
瑟意乃在畫圖中

右畫竹

羽可寫梅花眼前生明月想見孤山下鶴踏霜枝滑清  
兼冰雪氣寒入雲水骨亦復如其詩蒼然自疎越世無

林處士幽興爲誰發

右畫  
梅

羽可寫叢蘭秋懷滿空谷蕭蕭泉石清  
露霽山水綠幽芳萬古心一握將誰屬  
身本楚騷人撫琴聲斷續

右畫  
蘭

十五夜泊連鎮口號

在萬州  
吳橋界

海上團圓月當時悵望曾異鄉仍鬼節

吾鄉謂是  
日爲鬼節

流水

自河燈

以紙漬油復翦爲臺然而置之中流謂之放河燈蓋僧法也云用以超度眾鬼此俗南北皆然

人事推遷逝年光感激增卻看幾兒女相向踏歌能

連鎮童子取荷葉爲燈其色黯碧有類燐火觀而

感焉聊記以詩

碧雲夜割秋波溼孤影擁露紅粉泣龍膏龜背光熠熠

思伯子堂詩集

卷十一

十一



鼉頭競進水鬼立暗風吹暝嫦娥妬千簾盡捲冰綃素  
青熒上下走寒兔玉顏垂手徘徊顧白楊入骨鴉啄土  
血似藕絲千萬縷戰場冤魂嘯煙雨一夕宛轉月下舞  
蝦蟆鼓促行人稀向來哀樂何處歸星翻魚脊涼透衣  
河燈須作蓮花飛

次夜泊桑園作

又向平原郭孤舟信轉蓬客心生夜月水氣聚秋風地  
險隄防異昔癸酉之變馮道克善欲據德州斷民愚祭  
漕運事雖無成然後世宜深長慮也

禱同

是夕放燈  
侈於連鎮

朝昏看飽食何補愧微躬

雨泊故城

仁女寺前波倒吹故城郭外雨如絲秋風驛堠連雲旌  
夜水檣帆趁火遲去

闕低徊金馬夢出山偃蹇土牛騎浴鳧飛鷺同終夕隱  
豹膠龍各一時

亂蟲一夕作秋聲支枕空江夢不成

癸未發福州句也  
後二句云容易歲

時難得醉醉教  
惆悵到天明

蕭瑟十千新美酒蒼茫百二古城拜

風水怪窺舟立出海河神踏浪行苦憶三山猶昨日  
儼然雲遠不勝情

糧船謠

糧船來民船且莫開糧船去民船且忍晉蒲帆百丈千

思伯子堂詩集卷十一

夫聲望風已識糧船行日行不及四十里醉飽聚鬪輕  
死生水中流屍日日見縛手仰背覆其面長官應慮馮  
克善此輩一呼可爲變自潞河沂衛河日見流屍蓋皆  
糧船篙工也此輩各分黨類  
職之嫌輒相仇殺而羣棄其屍於河數年閒屢滋事入  
聞御史亦有人奏者上屢飭鞫究而積習莫  
改昔癸酉之警林清之黨馮克善欲據德州劫糧運使  
萬一不幸而然此輩之倒戈相向必矣智者慮患於未  
始願毋唾把人之憂爲不解事也

### 食肉嘆

余從潞河沂衛河遣僕市豚恆得牛問之土人  
蓋以諸處回民十居七八彼教禁屠豚故耳

國家撫有四海垂二百年版圖之廣前古未有

從前內地之民雖偶以白蓮習教猖獗然諸惡  
賤編氓皆知其爲邪匪故人心不集或僅在一  
隅或不過數州亦旋易撲滅今回民則徧滿天  
下父老相習子女相結良賤皆不以爲異然其  
人多寡情實好淫鬪儻一夫奮臂則千人目動  
一方疾呼則九州響應前年張格爾之擾內地  
回民聞之皆歡欣鼓舞及獻俘

京師回民閉關不出于塗磔尸柴市回民相戒  
不至其處而保定回民則有僞爲張逆未俘之  
先與將軍書者傳徧一時其言尤獷悍而

京師不知也夫浩罕俄羅斯並皆回回強部密  
邇新疆而張逆三世皆膏

國家斧鑕聞張逆尙有孽子未獲西藩之備固  
一日不可怠而內地回民觀其於張逆諸情陰  
賊亦可概見其應如何處置亦宜豫爲防也昔  
漢魏失計西晉之禍流及數代觀其往昔可惕  
將來今年四月余在鄭州聞閩之泉永賈人言  
漳泉民貧苦者卽轉習回回教蓋回回每歲遣  
人航海至漳泉諸屬邑一邑以一回回爲之首  
其願入教者授以經咒籍其姓名一人月予以

數金其富者亦願爲弟子云可卻病凡爲首之  
回若至數日以前習教者各飾其女以待而回  
首擇其尤美者淫之其餘挾之航海以去所淫  
或同行或卽留於其父母之家俟其再至其來  
去蹤跡倏忽每淹留一邑不過數十日計二十  
年內地之民變爲回類者且萬家矣漳州之長  
泰一邑數  
千余竊以鴉片來自西洋始於閩粵徧於天下  
其所以疲敝內地者已甚矣然誠使海防防捕  
嚴密何由不絕今漳泉此事尤爲可慮子女航  
海何以毫無覺察豈傳言之誤邪然土著之人

言其所見當不謬妄毋亦小吏因循不知遠慮  
故使之傳習以廣邪落拓如余空言何補然心  
有所慨聊復述之安知他日不有思余言者邪  
題曰食肉嘆緣起而已

我聞漢魏全盛時塞內誤置降羌氏自從晉世恣跋扈  
豈獨行酒悲青衣時來空復憶鄧艾郭欽江統言誰賴  
獨令父老似金仙淚流鉛水悲涼最

聖朝景祚如生商二萬里置匈奴王將軍馬前吐番拜  
嗟汝回鶻徒披猖昨者陳俘獻

太廟中原醜類羣相弔承平何敢逞戎心散處終須防

聚嘯秋風七月屯氏河食豚胛少牛蹄多怪哉天一翻  
生豕無父母如君相何短髭碧眼掩白帽腰刀出入氣  
雄暴年年扇誘海濱人貧富聞之走相告紅妝二八顏  
勝花可嘆爭贅爲婿家相隨旦暮去無跡飄零藩溷向  
天涯烏虜民愚乃至此方今

上有

聖天子旱潦蠲賑歲頻仍仰食甘從若輩使粵閩鴉片  
縮日開十戶九破形死灰文石更充白玉貴羽毛都易  
黃金回鬼子番人總易叛邊洋市易宜長算權彼征輸  
利已微竭吾泉貨貧斯亂何況子女陰挾持此意何爲



尤所悲遠謀未能愧肉食倚櫬看天空涕淚

偶見

潛渠千里沂山東野粟村蒿到處同斜日亭亭雙戍堡  
亂帆葉葉幾秋風市書驢券喧林下牧洗羊羣戲水中  
偶見豪家樓閣在嵯峨都似塞垣雄

鄉人

鄉人爲小吏杯酒見深情親族悲新鬼方言喜舊聲斷  
雲垂夕照流水抱秋城久向扁舟話知應念此行

河漢

河漢情如此關山望皓然秋風誰得渡牛女又經年影

動平沙外心驚獨客先夜涼最相惜處處傍歸船

臨清

嗚咽聲何壯水門如怒潮千檣轉漕隘一卒抱關驕往  
者憂頑梗兵端起賦徭烽煙今幸息里巷歎蕭條

寄李方赤

璋煜

比部卽題其城西送別圖

李侯慷慨偉丈夫開口論事識有餘譚經說詩俱第一  
旁及金石爲嬉娛十年西曹絀大用盛名卻滿東海墟  
謂我少負經濟略愛以文采徒區區此才不使佐廊廟  
得士謂何誠可吁我聞茲言實感激知人之哲今見諸  
飄零復遣向江海豈獨惆悵無安居憶昨臨行與君話

示我當時送別圖是維庚辰日重九君將待漏金門趨  
故鄉父老總畱戀交游出餞城西隅天風蕭蕭鳴雁來  
超然臺上鴉如灰沙平野曠木葉落萬家秋氣當銜杯  
此時離情那比似淺深但看扶淇水此水朝朝不盡流  
此情歲歲何窮已薊門七月秋涼早九月嚴霜枯野草  
何年重九不憶家誰家故人酒杯好城下斜陽歸騎急  
見畫分明舊亭堡李侯李侯毋懊惱嗟我別君仍遠道  
馬頰徒駭河日荒汶水孤舟行浩浩誰從天邊歸對酌  
正思日下歡如掃村原到處風俗薄婦孺相逢顏色稿  
君應念我坐喟嘆尺書莫寄愁商顛人生萬事信天命

朝夕聚散誰能保但使千秋共寸心莫因今昔傷懷抱

舟過東昌口號六首

老樹蕭蕭壓岸涼平蕪漠漠映天長數家土屋臨秋水  
一路風蟬咽夕陽

古驛微風落日生遠山如黛不分明更添一片涼波影  
大有江南送別情

三年重過仲連臺骨月摧殘獨可哀憐汝孤飛天際雁  
因何北去復南迴

元明陳蹟劫灰多辛苦當時鑿此河已載糧船還載客  
一杯且唱百年歌

彝生年少意翩翩分手空勞憶去年

南豐劉彝生侍尊甫守東昌

徒

駭河邊秋色遠

丹徒張茶農方宰博平

不知何似馬房泉

陽湖丁茗士方

宰肥城

白石層層水作門綠楊冉冉樹成村素娥知客愁淹泊  
不掃殘眉傍夜昏

### 張秋

濮曹水患先朝劇此地頻仍決駭瀧河道日看東注海  
淮陽直恐下通江白圭故智餘隄堵賈魯奇勳出掃椿  
誰憶排疏神禹績上流九派導洪淲

張秋有碑曰吳季子挂劍處屬余有感慨然口號

寶劍當時解，因何待再游。故人多少淚，掃向墓煙秋。

表口閘夜泊

汶水日秋風，天陰響百蟲。野煙牛背上，村火犬聲中。獨泊知遙夜，遐征悵斷蓬。飄蕭楊柳樹，生意仲文同。

分水

匹夫智可師，其利或百世。汶水此分流，南北通淮衛。生亦儕編氓，沒乃享社祭。

戴村壩有白英祠

臨風弔宋公，今豈無

才藝

任城登太白樓

天風吹月齊魯秋，昭陽湖水明鏡流。醉眠不復識天子。

眼中賀監眞吾儔  
匡廬讀書負頭白  
夜郎得返騎鯨游  
古來豪士有不遇  
請君過此酣歌樓

太白酒樓後歌

昨者臨清兩日泊  
殷勤送酒勞材官  
日來開甕惟痛飲  
醉登此樓嗟壯觀  
山東秀色滿岱宗  
削景照耀金芙蓉  
青天蕩蕩落湖影  
飄然欲度銀漢空  
當年謫仙人遊戲  
人間世睥睨高將  
軍諷諭明皇帝  
憐君懷抱向誰開  
一飲須傾三百杯  
梨花空弔子規月  
飛燕何曾過馬嵬  
莫歌蜀道難使客  
聽此摧心顏  
從來喪亂禍總伏  
升平開開元  
豈意爲天寶  
姚宋死矣九齡老  
朝廷坐付楊國忠

持權忍使太阿倒削平大難酣嬉極正喜梯航通萬國  
范陽殺氣入川西潼關戰骨連河北莫歌蜀道難使客  
聽此三嘆息霖鈴淒清劒門黑南內歸來淚沾臆人言  
藩鎮強實兆唐之亡一喜可使授節鉞一怒可使投豺  
狼邊人奴僕不可當用其私人夷紀綱天下盡化爲侯  
王杜甫當時同此傷紛紛李鄴侯咄咄郭汾陽憲宗他  
日平淮蔡上公之賞裴度最李愬猶嫌廢戰功信知濫  
賞開侈汰國家舊土非域外文武不力官何賴吁嗟峨  
峨之高高于尋下有三峽哀猿冷雁啼崑崙且從峨嵋  
暮作廬山吟白波九道雪山流不盡身世英雄愁有



酒相逢卽傾蓋眼前萬事輕浮漚我昔弔君向采石不  
見錦袍乘舟客北風蕭蕭雲水寒神鴉黯黯楓林碧

韓莊閘

韓莊好景江鄉似一騎前年九月過閱歲易於蛇赴壑  
謀生難似燕營窠山趨徐浦眞王地水合鄒滕故國波  
弔古看天猶擊楫驚心迴日莫揮戈

過南陽湖寄懷馬東泉

星壘

孝廉友泉

星壁

同年

名宗擅東魯羣從實多才雲水涵天盡秋風捲雁來繁  
書遲赤鯉落日望魚臺應有新詞賦何因儼棹迴

昭陽湖

殘日繡滕郭，清秋汶泗河。天垂浮靄遠，風轉去帆多。冰  
驛開叢柳，漁家入暮荷。疏花汝何意，冉冉照涼波。

湖上漁家

瑟瑟響菰蒲，秋陰撥水孤。得魚連櫓繫，養鴨到門呼。婦  
摘蓮花賣，兒緣棗樹趨。全家風浪上，辛苦爲飢驅。

台兒莊

兒時聞說此鄉風，多病今來鬢欲童。估舶涼波天水碧，  
人家殘照石華紅。愁生入九檣，鳥外秋在三千驛。馬中  
嘶徧平沙餘慘澹，菰蘆滿眼到江東。

舟至宿遷

駱馬湖頭水西風日夜波布帆明白露秋色暗黃河父  
老遺書盡英雄故里多昨宵看芒碭雲氣鬱嵯峨

渡河至清江浦口號

乘槎已識張騫誤伐竹仍同漢武歌此地河淮接襟帶  
誰憐徐泗盡風波王官擁節勳庸大父老浮家涕淚多  
安得澄清星宿海不教濁浪走蛟鼉

淮安舟夜寄懷星齋紱庭

謫仙人去空千載復見當時兩少年一醉看花同上峯  
孤舟對月獨南天沙蛩晴露秋如雨浦雁盤風夜墮  
惆悵尺書音未達關河回首總蒼然

邵伯湖大風戲作

射陽湖接汜光湖風卷荒堤斷欲無江海河淮爭此地  
燕齊滕魯倦長塗茫茫影失奔涯馬泛泛身悲狎浪鳧  
拚與蛟龍輕一鬪可憐李杜汨羅徒

八月七日日晡舟發清河次日日晡至揚州次早  
渡江有作

挂帆一夜下揚州手攬金焦積翠浮明月二分餘豔曲  
大江六代送寒流垂竿乞食王孫盡解帶談禪學士留  
都與扁舟供坐嘯魚龍况戲海天秋

過常州

余初九夜抵常州沿城二十里橋樑塞江不通  
往來七日矣念南北之船日積日多萬一不戒  
而火則萬人爲魚矣因貽書陽湖令鄉人  
爲陳疏通之道不報初十薄暮舟子併死力  
尾一貴人舟力行至曉始得出聊作此詩

浮玉中冷水迎人曉雁天曲阿後湖月送客暮城煙空  
弔春申淚誰看郭泰船宵來詫飛渡夢繞萬檣邊

無錫

畫舸涼波到眼明秋光微上鬢雲輕清歌不厭西風緊  
絃外鷓鴣落雁聲

一雙翠袖捲輕綃顛倒無言只是嬌  
自向船頭照秋水  
江南何事碧迢迢

澆壑

纔到蘇臺便聽歌  
誰家畫閣月明多  
煙蟬唱後沙蛩唱  
一夜秋風水又波

過吳門懷宋子即次其送別韻

磨研空餘鐵鏘詩  
豈易金倦游吳會日  
如見楚臣心涼  
月昨宵照哀絲  
何處音洞簫清怨極  
風遠不堪尋

虎邱

人閒金粟報中秋  
水榭風船結綺周  
歌舞會銷亡國恨

江山似待少年游，  
花橫笛燈如海，  
半夜薰衣月滿樓。  
惆悵東南鴻雁在，  
稻梁盈地汝何求。

吳江

水擁平蕪碧山銜，  
落照紅菱菱紛晚露禾黍向秋風，  
灌漑驅牛健土人以牛轉水車漑田機關取蟹工謀生心  
力瘁嗟汝客懷同。

扁舟

西風日夜送扁舟，  
漸近中年易感秋，  
平楚樓臺開返照，  
暮雲城郭帶迴流，  
徒爲禽犢猶荒學，  
正羨鱸魚況倦游，  
玉局有兒歸亦好，  
無田何苦矢江頭。

夜過平望

葭菼盡蒼蒼，風高獨夜涼。  
松陵斜日小，茗水去帆長。  
鬢警清秋色，衣憐白露光。  
歌聲何處望，回首雁俱翔。

茗，霄兩岸向年惟植桑，近乃有雜以淡芭菰者，當事所宜念也。爲賦二十字。

桑葉可供蠶，芭菰豈辟霧。願汝一、二家，毋忘八百樹。

夜起見月蕭然成詠

明月忽在水，涼風吹滿天。  
天光流遠近，水氣靄澄鮮。  
渺渺菱花露，條條木葉煙。  
悠悠蛩徧岸，冉冉雁追船。

遠沒移舟火，疎餘映浦星。  
蟬寒響樹望，魚樂擲波聽。  
空



際青如約光中境冥冥獨知秋更永爲有夢常醒

月落

月落如流永江明似積金清猶隱斜漢寒已動高林朔  
塞歸何晚炎州夢屢沈蒼茫顯晦淚蕭瑟歲時心

十四夜舟發錢塘江次日過富陽桐廬入七里瀨  
望釣臺風利不泊遂至嚴州對月有作

片月錢塘影相隨上富春秋風吹百越千里獨歸人高  
詠嚴陵瀨滄波萬葉新睦州催暮角流照水如銀

余前在運河日行不滿百里計水程中秋始抵揚  
州常與揚生吹笛平山堂貰酒梅花嶺亦韻事也

及初八抵揚州日晡不及入城與生相見次早遂  
渡江而中秋乃在此閒人生萬事疾遲得失大抵  
類是營求貪戀復何爲耶酒後遂作長歌

我舟昨發清江浦一宵空宿揚州城城頭新月送歸客  
片帆嘯傲桐廬行坐想嚴子陵不仕高意氣至今故人  
尊何似狂奴貴父老能言許劌錄荒臺到眼興亡速請  
君料理此一身身猶無定比浮雲隨風卷舒向何處高  
于天際下水濱水濱月婀娜相見應知我四時乘月過  
今夜酣嬉可富春秀色青黛光羣峭壁立迴煙蒼風吹  
鷺滯觸石嘯森然欲動魚龍藏安得酒半呼三郎爲我

振笛歌伊涼是時雙鷺如雪落苦憶白衣人綽約石翁  
頤自揚州回言汝寄訊吾安託天長水遠孤飄泊夢中  
豈識南飛鶴年年月好無過茲骨肉親交常別離離情  
笑付七里瀨千里萬里何所之遭逢得失了易悟紛紛  
泡影空歡悲金杯方在手無歌且擊缶卻吟將進酒蕭  
蕭山木久江神不留滯醉矣休回首明朝清碧蘭谿流  
素娥抱鏡還當頭尙有換酒千金裘呼童將出奚足憂

十六夜泊蘭溪

遙夜仍華月扁舟更暮城萬星盤塔動兩水貫秋明浩  
溇飛鳥侶飄零晝燭情鄉園應有夢鄰柝且無聲

鷺

白鷺失高舉飛迴溪渚邊  
映沙冷曉月浴水靜秋煙  
夢久風波厭人空毛羽憐  
孤鳴羨鸞鶴翔集紫庭先

燕

營巢久辛苦飛已值春殘  
滄海歸何託秋風巷自寒  
畏人愼棲息哺子閔孤單  
定趁花濃日含香畫棟看

蟬

萬古此清怨蕭蕭碧樹陰  
露憐孤月永秋入曉風深  
羽斂差無垢商聲豈有心  
飛鳴抱高潔留與雪天尋

雁

羣飛昔多侶怨此但雙翔復隔南荒月孤回北塞霜江  
湖天夜闊風露地秋長欲待相迫逐何時足稻梁

烏

返哺空無計栖栖倦羽毛星稀飛月獨日晶仰天高愛  
屋誰相及停梭女亦勞碧紗愁夜語紅稻落江皋

魚

變化豈無日頻遭點額詎神龍自騰嚇酒鮓共泥塗肯  
從琴仙騎差通漆吏娛西風秋水闊處處有江湖

鷹

凡鳥肯騰擊妖狐怒嘯羣冰霜厲羽翮關塞斷風雲氣

待高秋爽心追落日殷茫茫白草地  
戲策竟無聞

馬

神駿嗟誰愛毋悲伏櫪窮但能征戰靖不必死生同  
落日孤城角平沙萬里風哀鳴惜筋力昂首待英雄

鹿

文采千年壽空山且息機秋苔留跡過春草養茸歸  
輞水町柴在襄陽耆舊稀蕭然侶高隱何必食葦肥

鶴

萬古梅花上天寒守月明暗風生夜水香雪落疏橫雲  
凍不知處山虛時一鳴正無封禪草合遣應門迎

秋浦

岸盡水車轉村遙煙艇通野人臥桑下估客渡蘆中魚  
鱗懸流屋蠶祠落日風菱花開滿地采憶瓦盆同

南旺湖荷花

余前在山東運河歷南旺湖至微山湖沮洳下  
澤約千里運道兩堤外荷花二十分之一餘皆  
蒲葦而已居人采花而擷其藻采葉而棄其藕  
所資甚微若盡去蒲葦使荷相生而落其實貿  
遷南北歲可得數百萬緡且水道疏通於轉運  
尤易此守土者所宜爲之且甚便焉者也十七

日龍游舟中既戲爲詠物諸詩寄懷偶念此事

復書五十六字

安山廢澤接微山零落疎荷積葦閒我願化爲花萬頃

人同得庇屢干閒橘和稍視屯田薄稍爲分疆置賦可杜貧民之爭

柰兼資轉漕艱能濬西湖乃仙吏白蘇風月兩堤閒南

諸湖山水明秀若盡種荷花花時載酒當不減西湖也

龍游至衢州絕句

水清見石根游魚紛可數風淪轉夕陽隔溪生微雨  
何許有人家犬聲吠如豹蕭蕭蘆葦鳴煙中過漁樵  
水中看月光淪漣隨水去月中看水光空明如月曙



斜月耿在天涼風曉吹水齒夢墮渺茫舟行已十里  
波光盪厓厂水車聲在下不知衣食艱但看此耕者  
灘高欲上難拏舟進復退一灘惡一灘灘灘在石背  
輕篙擊淺瀨日聞竹石響時有水禽啼秋風正蕭爽  
雲山照蒼翠潭水凝碧綠阿誰畫船停垂手闌干曲  
姊自常山下妹自錢塘上相逢一問訊常山水可長  
今朝遇風暴雨忽晝作濛濛煙靄中有人倚山閣  
夕望衢州府朝望龍游縣到處是青山遮斷城不見  
淒清百蟲天蕭條一雨夕山木夜蒼蒼往來無人迹  
過雨曉天涼沙上蛩未歇短鬢日西風孤舟行百越

林光靄新綠生意若春色孤雲天際遲相望意何極

落日

我行猶水次落日又蒼然荒草牛羊地涼風鶴鵲天溪  
山明倦眼歲月歷諸緣卻羨居人好常餘賣橘錢

二十三日廣信書院訪徐東松明經

湘潭

遂留宿

次日冒雨送余登舟口號爲別

南州徐孺子清望實人師繫纜秋江闊銜杯夜雨遲斯  
交貞絕續吾道固艱危相送難爲別沾衣似散絲

放舟至河口入陳坊作

酒醒碧波流高風送去舟連山火色石臨水稻花樓心

戀歸雲晚涼生返照秋恩恩變晴雨世事閱滄洲

消漲山谿易空知碧海深白沙紛細碎青峭雜晴陰野  
地三秋思孤舟萬里心鷺鷗應熟識飛近宛相尋

野泊常無寐清宵獨醒偏擊撞風鬪水颯沓雨鳴天雲  
黯黯篷背蛟饒湧夜漉竹篙紛暗響避漲地頻遷

四時同氣候五度感經過崖厂深懸屋墟樓亂架波村  
荒看客異樹老園人多正羨爲農樂相逢有荷蓑

午風盪陰靄野意亦蕭疎縱雨天光亂吞波石氣噓時  
時喧岸鳥處處澄灘魚清絕黃沙港晨過未照渠

雲際關何處嵐光萬嶂低瀨長船再泊鄉近夢多迷戲

鳴紛投屋歸牛自過溪欣欣如識晚一遣旅懷悽  
寥寥燈火際田舍似灑東蚓咽秋瓜露螢低野草風道  
心清物外夜氣在山中坐嘯餘新句安知杜甫窮  
水邊楊柳樹八月故依依已帶斜陽夕曾看作絮飛關  
河爲別慣風露逐秋歸相望空愁思誰憐去日非  
曉發迴流轉平疇野色蘇山鳥銜日氣溪霧綻花跗灘  
急推舟響魚紛舉網呼劇憐清曠地未解辨青烏

波底磷磷石逢邊箇箇清稻田光在曉松野氣先晴水  
動流心靜天高放眼平佳蔬供釣飯樂意報禽聲  
裂竹漚麻白收禾曬藁黃山樵如鳥挂浣女似蟬藏豐

歲田家靜清溪水枕涼悠然醒午夢臨眺徧荒鄉  
世路紛多梗愁霖復似麻條條山竹動颯颯水風斜  
溼愁朝食晴遲望晚霞客心懸日夜何處不天涯

高竹芬先生歸隱圖

茫茫四海終何適先生爲此三嘆息卽看畫裏意蕭然  
欲買青山安可得襄陽王屋昔有人騎驢架鹿空千春  
後先蹤跡了不異大隱小隱惟其身烏岸先生昔亢爽  
堯舜斯民勞夢想我記頽棲長者廬衰疾相看猶慨慷  
虬鬚脩頰而廣顙出扶短童時代杖縱談身世一俯仰  
有時月黑風林響祇今梧竹餘蒼煙登樓秋色何依然

夕陽烏特嬉平田彷彿中有靈風還詭術叢集當壯年  
去矣或在山之巔不然醉弄滄溟月揮手人閒吾亦仙  
煥奎比部盆中白梅作一花乞詩

若有空山思曾無索笑因漸看羣木落故作一花新涼  
月帶如雪殘枝孤抱春非君肯相顧容易委荒榛

連日宿繡草廬作寄兩農先生

秋色今如此登樓尙未歸暮山連落日夕鳥各紛飛昨  
夜聞風雨悄悄桂十圍芳馨如可擷欲寄寸心違

邱家隘

萬綠蕭森暗水暄千盤石磴狀蛇蟠高崖閉谷中無日

深壑霾煙下有村倒看天光如釜墮近聞人語隔雲昏  
平生險阻眞經慣絕頂蕭然契道原

二十四夜宿泰甯郭外次早飲吳源山家口號

炎荒殊氣候九月竟爲霜一夜荒谿葉蕭蕭併曉涼露  
山清翠響煙壑引孤光幽興猶疑幻誰貪醉夢長

思伯子堂詩集卷十二

建甯張際亮亨甫

正月十五日葉十七荀卿招同人集天開圖畫樓

餞余遂至鄭少谷避清亭故址

庚寅

三百年來鄭繼之眼中誰似昔人奇爲君痛飲高樓上  
萬里輕行要有詩

送仰山少司寇入都

韓范同時各大賢歐陽門下愧師傳千秋敢累知人哲  
一代應推愛士先嶺海片雲依滿月江淮舊路入新年  
定知黃閣從容日共憶滄溟浩蕩天



廿一日古田道中作

澗桃谷李總開花  
春色催人苦憶家  
家在洞天何日到  
千年瓊樹月空斜

三都口

春風已十日  
驛路更千盤  
竹色成煙暮  
桃花隔水寒  
沙灣魚沫急  
茅屋鳥聲歡  
物物皆生意  
勞人不厭看

清風嶺

掩抑深藏態  
山容似美人  
澗陰分樹曉  
雲氣得花春

葫蘆山

甲申臘月宿此

海燕重來得舊窠  
銜泥辛苦欲如何  
曾經華屋斜陽滿

不羨雕梁好月多風雨做巢猶眷戀煙花麗日慣經過  
暫棲安穩眞爲福塵路迢迢幾網羅

宿延平與黃清美 俊苑 孝廉話舊

五載一相見都非年少顏車迴愁上谷

丙戌別於都下 門過憶

東山

時話謝退谷先生家事先生曾官南平余識君亦在先生家也

夜火懸春岸風灘

抱夕關空看張壯武寶劍尙腰閒

順昌至將樂道中雜詩

我心有春風遇物皆可喜晨過子嶺塘山霧氣如水濛  
濛翠篠閒條條黃茅裏時有春禽啼妙得和平理如何  
田家人睡晏方未起

桃花四五枝李花三兩樹流水修竹開春光靄無數青  
山不見人幽禽語何處澹然午風輕白雲偶吹去

風吹桃花落滿地雜塵土朱顏怨薄命此意自今古我  
本倦游人飄零意無主何處武陵源冥冥隔溪雨

山谷多人煙荒蹊惟古木時時見菜花高下黃過屋烏  
鴉集牛背菜花沒牛腹牧童坐草間天晴野睡熟

連山夾清溪中涵碧玉色白鷺靜不飛閒雲意何極夕  
遊沙瀨行朝傍水檻食西湖憶故人近別無消息

結交半海內年少多豪英一朝浮雲散念此難爲情西  
瞻怨涼灘北望愁并營吳越路已紆齊楚心徒縈鴻鶴

出海上雙翔天際鳴涼風忽分飛落日東南城

我尋德星坊蕪沒春煙徧揮觴對李花縞衣迎風顫萬  
山蒼翠深夕光俄屢變玉華思再游石泉應可嚙

二月一日於南豐送四兄客燕

富本無求祇苦貧年年南北往來頻今朝酒罷南豐別  
兄弟相看只兩人

廿八日謁臥雲先生山居

八十四年春今春老覺真乍逢看轉愕臨別語何頻燕  
子桃花屋青山白髮人無能進珍藥有淚愧長貧

去家

三月  
一日

林臥曾幾日忽復爲遠行母恐我心悲欲言惟吞聲貧  
賤奪天性久客何所成潺潺溪水上沙禽送我鳴送我  
別我兒倍感我母情臨去兒有淚忍淚爲屏營男兒八  
尺軀幽憂慙自明嗟爾蒼天高鑒此俯仰誠

縣城

亭午至縣城夕酣故人酒流連三日醉傷心在醉後遠  
行無一錢萬事難回首蕭蕭江月亭前有兩枯柳嗟彼  
攀折枯誰能厭奔走

挽舟嶺

我從此嶺行首春廿八日今來上已過春事感將畢野

花餘二三怪鳥聲非一哀湍咽陰崖雲木互蕭瑟昭昭  
青天高仰視白日疾時往境若留憂來歡已失登臨見  
萬象獨使心懔栗山風扇飛雨俄頃寒氣密傷哉倦游  
人何爲去家室

秦甯

冬春久不雨水涸難行舟舍舟就陸行得雨成滯留荒  
城合暮色旅燕尋巢投淒淒溪上風渺渺風中鷗燕歸  
鷗莫歸於物誰欣尤篝燈酌新酒夜久醉不休浩歌還  
散帙可以忘百憂

漳源嶺

青山杳不見但見雲茫然白氣互上下天光皆倒懸山  
樵四五家瓦溼微有煙煙中兒女啼犬吠巖崖顛我來  
正雨歇百笕流春泉如何頃刻閒跳珠復萬千小僕語  
輿夫正月隨歸鞭

古嵐

何年此山嵐濛濛蓋茅屋茅屋傍迴溪人煙滿寒綠犬  
吠識樵歸雞鳴知飯熟飯罷向溪頭飲牛還濯足今朝  
大風雨犬傍牛闌伏不知有客來先春廡下粟且春且  
問客冒雨何逐逐

白土

午行將樂城向夕至白土一家不成村松皮蓋環堵居  
人本采山采松斯以斧亂疊高過屋炊煙不外吐少婦  
簇山花煙痕上眉嫵疾風挾煙去散作前溪雨隔溪不  
死松上有鶴鵲語蕭騷暮天低歸夢迷處所

黃亭驛

桐花靄春暉萬綠陰初曉東風何處來花開聞啼鳥野  
色冒煙低晨光映空小不知天上雲悠悠幾時了我心  
任卷舒久欲謝紛擾遇物若有得過境旋已杳今朝氣  
候佳樂意復不少溪山不逢人興與流水渺

順昌



順昌本荒邑我行必宿此城南十數家茅店背流水春  
山動返照窈窕澄波裏樵歸夕渡喧漁飯沙灘倚江南  
舊游處愁心渺千里對茲倦眼明倍感歲時駛風涼覺  
夜孤客久知酒美醉歌一散懷他鄉信遷徙

寒食延平舟中作

十年南北客爲家每對滄波感歲華細雨一天飛燕子  
東風幾日落梨花萋萋碧草煙中長黯黯青山郭外斜  
惆悵又逢寒食節石泉槐火徧天涯

南蛇灘

常聞父老語春漲畏南蛇怪石爭人命晴天射鬼沙沿

流飛屬涉出險尚咨嗟回首延平郭蕭蕭有落鴉

清明日竹崎關守風

茫茫雲水晦浩浩雪山流柳色寒春市榕陰隱戍樓百  
年高下鳥萬事去來舟關吏應吾識江花卻汝愁

三月廿四日萊臧刺史招同舉子筠

華珍

明府沈

夢塘司馬小集乾生玉雨山房觀梨花分得招字  
夢裏梨雲散春風不可招如何一片影吹作雪蕭蕭山  
氣青吞石天光白擁潮登臨莫辭醉興爲使君超

題張篋仙撚鬚圖

年來人我相皆無眞信浮雲去住俱畫裏逢君一惆悵

苦吟容易白髭鬚

四月初四夜仲歐少昂小集因憶去年此夜樹齋  
太史海秋祠部來蓮花寺送余往鄭州聯句爲別  
余適病酒次日至蘆溝橋有詩寄二君今不能舉  
其辭矣

去年今夜蓮花寺共此尊前月似眉地北天南七千里  
別來相憶可無詩

初八日偕家怕亭饒歛漁孝廉冒雨遊西禪寺遂  
至西湖開花寺口號

世態如花到眼顛任他開落過餘春湖山家處便終日

風雨出游能幾人白鳥翻翻下田水綠陰漠漠露城闌  
卽無尊酒同斟酌隨意淹留樂是真

陳詩庭刺史蘭滋來闈省親卽送之官上思

太邱名德重朝班愛子新看奉檄還百越春風龍馬水  
五溪晴日鳳凰山金花木下神君少銅柱天邊父老閒  
此去共知應最績正須開府靖諸蠻

陳秋坪先生遣墨爲甘滋蒼謝廣文題

往日陳司馬才高吏亦良詩經蜀道壯法馭土司詳殘  
礪黃山谷諸蠻黑帳房撫夷足暇豫弔古幾蒼涼

垂老投簪復雲凹水曲居宦情空似夢畫意澹於書園

見介子言身圖卷十二  
父時留萊門生解負輿元亭愴陳迹何止酒壚餘  
此日侯芭在辛勤感故編童鳥空望子老蠹亦成僇遺  
墨看如昨名山足幾年凋零盡耆舊大雅更誰傳

題畫

何處碧頭明遠嵐清溪翠石復迴潭數行紅樹落秋影  
不是江南卽漢南

七月十七日雨排悶有作奉柬西堂梅友薇卿旬  
卿雪樵諸君

季鷹自昔感秋風况是愁霖病酒中才思漸隨雙鬢短  
壯懷閒對一尊空淮王雞犬仙何易方朔龍蛇計未工

草草慙人詢著作古來投筆是英雄

南北奔馳大可惜夢魂無定比風船何當朔雪并雲後  
又是蠻煙瘴雨前臥病丹砂籌下價傷心錦瑟送中年  
玉溪幕府飄零日東閣深思故相賢

晉安昔是王封地勾踐諸孫亦霸才鬱鬱鼓旗猶雨峙  
滔滔江海竟東迴極天暝色孤城合滿地秋聲畫角催  
夜雨空階餘悵望釣龍射鱗總堪哀

笑罵年來底不平出山泉細久難清終南捷徑羞充隱  
郛上閒田願退耕鍛圃交游從命駕藥籠婦孺悔知名  
瀟瀟夜雨吳歌散正想儋州笠屐行

二十五日校讀謝退谷先生遺詩畢率題絕句奉  
東孝知孝至兄弟

知己平生半老蒼十年零落總堪傷何當更憶澄江練  
秋雨青山鬼火涼

末契深慙託後生中郎倒屣昔將迎仲宣尙作登樓客  
楚塞荆門日夜情

八月八日校西堂同年詩竟綴此於後

倦賦秦中擊唾壺樂天中歲佞浮屠

余自戊子伯兄喪後頗頽無樂生意

惟日誦心經以自排遣

故人獨有劉賓客能探驪龍頰下珠

十年雲帳臥家山醉卽成詩醒卽閒惆悵杜陵尙巴峽

秋風茅屋憶千閒

悼亡頻賦續悲歌奉倩神傷可奈何莫怪東山戀絲竹

謝家親故亦無多

時聞何臥雲先生之訃  
先生余姑夫且業師也

推食頻勞念酒狂尊前對舞各彷徨中原未必需劉祖  
風雨雞聲感夜長

奉酬孝知孝至兄弟枉題

南部煙花半寂寥傷春傷別總魂銷故人若問情深淺  
水閣秋來有落潮

卅年歲月鬢將華萬里關河事可嗟誰信青衫舊詞客  
傷心原不爲琵琶



樊榭歌管似叢臺轉眼春風有劫灰與詐華胥殘夢覺  
人閒何處不堪哀

驚人好句謝元暉憐我飄零惜我非檣月帆風無恙地  
百年能幾淚霑衣

廿八夜夢中得一絕

風露蕭蕭曉未乾一枝搖漾臥微瀾不知原是湘妃淚  
錯作瀟湘水影看

二十九日西堂楝友乾生薇卿雪樵同集句卿天

開圖畫樓

凜凜逢寒露悠悠閣歲時江山迴旅望風日動秋悲曠

野琴應厲孤雲獨雁遲東籬一杯酒閒與菊花期  
天氣清如月蒼蒼未可窮炎荒晴少雨秋海晚多風短  
鬢高樓上竒心落葉中連蜷幽桂在深負故山叢

古堞明斜日平疇帶遠郊牛羊嬉水草鷓鴣點秋巢高  
下觀生意窮愁戀故交昔賢風雅地載酒且頻教

季女斯飢久佳人悵望頻空山浩將夕遠道若爲鄰欲  
寄瑤華晚相思蕙草春芳馨空滿抱冉冉及茲辰

倚欄愁奈何相對且高歌天上月華盡人閒秋思多樓  
鴉語雲木荒蟬弔煙蘿風露低徇處他時應再過

題書寮談藝圖寄萊臧刺史興化

思伯子堂詩集

卷十二

十一

刺史爲福建通志監局官去之興化同人繪圖  
贈別各有詩余未暇作九月七夜乃成此奉寄  
時聞刺史將重來而余已有去志云爾

丈夫三十不封侯以筆傭食將安投使君儒雅時無儔  
容我疎放曾何尤木蘭花下池館幽快譚雄辨兼倡酬  
百年文獻資論述許邁七子輕曹劉高風九月吹瀛洲

海城斜照生涼秋尊前惜別復幾日聚散蹤跡真浮漚

荔支飽啖書未寄應知倦客心煩憂六月初刺史馳送  
楓亭荔五百顆至

今未使君之去不可留使君之來吾所求自從去後寡  
作答

懽笑夢魂空繞壺山頭部民自愛蔡忠惠刺史前奉檄  
修木蘭陂茲

復以濬西湖東湖  
奉檄將至福州

故人卻憶韓荊州披圖且待更贖酒

不妨典盡相如裘君不見漢家將相雲臺上半是嶽嶠  
磊落流吾行醉逐幽并年少游

十月四日出游郊外醉後口號

暮天新雁獨飛遲遠道音書欲寄誰醉後方知身是客  
西風吹得鬢絲絲

殘照如塵黯步頭故人都上水邊樓

同遊者式斯梅  
友西堂薇卿君

看此水緣何事一碧迢迢日夜流

二十四日擬北上都門於大府告行作詩示同志  
失笑今年久滯留朔風才許送扁舟明知箸述非吾事

未厭歡娛戀此游六月荷花湖上曉數家楊柳水邊秋  
挂帆一任長搖落漫有煙波到眼愁

檣杪春秋意不同誰從南董溯遺風百年文獻凋零後

十郡輸將困敝中前年拓修貢院徵其財於十郡富民

此大再徵無有應者於是專令即用

縣某邑至奏續定堪圖計吏貢院之修闢人出其財鄉

而戶論之預而大吏爲奏請皆得議敘故此在事諸

或始終未冀幸又以前年安徵逼志之役皆得議敘故

也論才何意遇羣公三長自是人人擅容我高飛逐塞

鴻  
次日西堂克和兄弟梅友蓓卿雪樵乾生苟卿同

序招集孟式斯曾毅貽斯曾貽兄弟宅餞余賦此

奉柬

萬里重爲朔野行七年深望故人情晉安風雅能無繼  
高密門闔況有名

宅爲瓶庵先生故居  
式斯兄弟其孫也

落日停雲懷遠

道嚴霜戍火話邊城不須更奏涼州曲已恨陽關第一

聲

時聞新疆用兵余欲從軍諸君止之且欲  
余小住數日遞爲主人益增余別離感

次日林君香溪

敦仁

劉三炯甫

存仁

招同家篋仙

王二子希

景賢

餞余口號爲別

故人清況我能知尊酒相看未敢辭若到薊門思此日  
再游滄海待何時飢寒作客仍憂患貧賤論交又別離  
此去漫勞同悵望古來眾女嫉蛾眉

思伯子堂詩集

卷十二

三

是夜同雨農舍人懷佩孝廉飲瑞蓮石

光

大令侯

官署中醉後有作

來去無心出岫雲六年重此奉清塵新豐舊族歸三輔

南部名城領七閩

漢會稽南部都尉治侯官

杜甫多愁疏僕射

時余已辭

通志纂修

孟嘉小異廁州人正須痛飲停車騎何處臨邛禮

渴賓

次日荀卿招同梅友式斯貽斯西堂薇卿雪樵集

乾生玉雨山房餞余卽席得二首是夜余留宿焉

復成二首

當代名家子依山面水園才看三絕好興到十洲存樓

閣明江色巖崖動石根送歸莫高望恐黯別離魂  
天際孤雲影遲遲逐雁飛連山隱寒色老木帶斜暉作  
客驚搖落依人識是非悲歌對尊酒同惜寸心違  
故人各知我朝夕慰羈孤病馬思邊草神鷹下朔蕪艱  
難看短鬢遲暮感長途正有雙龍劔母煩碎唾壺  
城郭蒼然暝催歸且罷觴亂星當戶細寒火下山長伏  
枕愁無寐移家約肯忘平生朋友樂此外更何鄉

次日萊臧刺史招同夢塘司馬蕭遠村重巡簡集  
方彥聞履發大令閩縣署中醉後作

天南日夜北風寒此別休歌行路難千里射鵬思朔塞



三年飲馬慣桑乾酒徒氣盛終豪士文字情深是好官  
永夜直須拚一醉異時相望各爲歡

再同懷佩孝廉集飲唐勉齋

黃裳

同年大令寓廬

次日懷佩云渠昨本不暇往以余方醉恐語多不  
檢故勉赴焉余深感其意作詩志之

十一月二日

飛花一片逐飄風墮溷登茵每不同悵望久驚霜落後  
悲歌常到酒酣中故人接席勞相念昨夜當杯感不窮  
關塞蒼茫冰雪暮夢回猶聽北歸鴻

歐振聲

鴻飛

孝廉招同西堂薇卿集飲南臺江上

同集者歐之鄰人姚秀才亦西堂故人也

十載揚州杜牧之朔風容易鬢成絲不知此別花經眼  
誰看他宵月似眉流水聲餘橫笛外夕陽寒到卷簾時  
醉歸中夜還呼酒何減幽并俠少奇

歐於壬辰將試兵部因約再爲酒會

伊闕訪碑圖爲方彥聞大令題

凡爲文章宜識字昌黎此語豈我欺世人尙不讀爾雅  
肯拓漢鼎撫秦碑物聚所好誠有是看君寶此三嗟咨  
關中自古富金石石經以外餘門楣自從屋社閱漢晉  
辟雍典論不可追陽嘉太始柱竭盡望先景明祠宇廢  
嗚呼龍門何嶽崎尙有黃初石廩左右鑱鐫奇想君到  
此定嘆息上陽偃月宮爲碑滄桑在眼人代往不如健

筆論邕斯君有文學  
酬明時我空圖畫  
凌煙思側聞上將  
西出師下馬露布  
差能爲天山有石  
儻可勒萬里從軍  
欲問誰

李蘭屏比部蘭卿

彥章

太守招飲石畫園讀畫論

詩相歡竟日別離之感亦復系之因成七律四首

置我居然在畫圖  
詩家池館故應殊  
一亭石勢皆飛動

四面山光共轉輪  
好古趙歐兼箸錄  
多才軾轍況齊驅

正思耆舊風流地  
未可追游此日無

園舊爲郡西園地  
蔡忠惠會南豐皆

嘗有詩明爲王憲長應鍾薛中丞夢雷別業

園

初歸林同人吉人築荔水莊與鄉先輩結社其中

高詠誰曾數二徐凋零重與惜其漁明季吾邑何布衣其漁字樵仲與徐

與公兄弟相倡和今無知之者矣

都人久厭譚風雅流俗惟知競毀譽

少谷騷懷荒別業石倉兵火燼遺書尊前正望扶輪手

容我相依比輔車

鄭少谷蓮清亭故址今歸詹氏已易爲家祠矣

三十封侯願竟違那能歸采故山薇欲乘紫塞風移帳  
但過黃河雪滿衣詩豈江山真得助賦成幕府久知非  
異時相憶還何地惆悵園林好夕暉

願識荊州幸未遲豈徒文采重交期蒼生共望斯人出

父老曾同長者知別感聞情吟洛下偶尋文讌寄南皮

從看斜谷丹青外夢繞天王慘澹旗

比部太守出示唐寅畫諸葛武侯出

師圖屬題時聞西域用兵余有從軍意故及之

思伯子堂詩集卷十二

五

西堂乾生招同麗樵井文梅友雪樵復集玉雨山  
房未至者薇卿荀卿是夜余再宿此

復此尋觴詠情知惜別真日斜新見月山暝舊留人園  
橘重看熟巖花小折頻翻因遲二仲開徑暮逡巡

是日余獨登鄰霄臺得絕句歸飲園中錄奉諸友  
今朝游後更何時水色山光總繫思江上蕭蕭數帆影  
西風吹去卽天涯

以詩乞蘭卿太守鴛鴦石

東坡昔有海上石數升肯遺梅子明仇池自云希代寶  
亦許易畫歸晉卿先生蘇齋覃溪先生詩尾名也舊弟子風流友

采東坡似三年遠宦桂管西但飲馱蒙瘴江水歸裝輕  
東千卷書銅鼓之外他無餘遷江石似鬱林石何止取  
類鴛鴦如昨宵坐我新齋閣爲道暗山妙邱壑許持此  
石換我詩病酒朝慙詩思惡吾行足跡半九州西南恨  
未窮蠻陬三邊水石輸百越此去漫作幽并游正思一  
卷好在目況聞秀色勝蛾綠樂天久欲買楊枝且乞攜

歸當佩玉

此石產遷江縣  
聞佩之宜男

林醜叔

崑瓊

大令讀書松桂林圖令子价巖

潘明

經屬題

翛翛空山風嫋嫋芳樹林桂枝生自直松柏有本心安

知瀟湘曲父老爲謳吟瀟湘源自清瀟湘流自深丈人  
有遺愛門子吾所欽紉蘭潔在抱襲荷芬滿襟載詠贈  
芍篇北馬愁駸駸願君崇令德毋忘鶴在陰

次日乾生廣茂兄弟招同梅友西堂麓樵井文再  
集玉兩山房留宿有作

朔風吹海水萬里氣蒼然曠野飛蓬地高城落日天茫  
茫思終古忽忽感流年兩載茲淹滯誰知鬢易元  
此地吾來往壺殮累汝頻定知長路別難見小園春山  
峭巖當戶天寒月傍人沈沈嵐翠外一火著江濱

清旦高臺上蕭蕭老木風萬山青到海千石氣盤空望

遠愁天外思歸闕夢中搓丸曾一笑清興昨宵同

福州俗至

日前一夕以米粉作丸聚家人爲之曰搓丸

張紅橋畫像詩

蘭屏比部所藏

翠羽明璫儼洛神凌波何處問前因但餘一碧洪塘水

惆悵滿裙上已春

玉尺量才笑婉兒當年擇壻解聲詩渡江不見迎桃葉

水閣秋風臥病時

子羽宦金陵而紅橋沒於家世所傳紅橋諸詩半思憶之作也

眉痕莫更認春山一片瑤臺影未還長恨有情轉無福

不如意事徧人閒

林子羽題紅橋硯詩云摩挲腹臆紫雲根一片瑤臺影尚存我是洞中舊

游峇峇山深淺認眉痕似是紅橋沒後追感而作今像作麗妝手玉如意似生前所寫然紙色太新又似是臨

思伯子堂詩集

卷十二

七



本耳

離合神光在畫圖誰將往事話姑蘇春來一帶靡蕪地

得似貞孃冢上無

世又言紅橋系姑蘇人未可信余逆志福州冢墓欲攷其葬所亦不得也

晉安風雅盡曹徐遠憶林高那得如讀畫分明感閨秀

誰知光祿舊門閭

福州許氏自明季以來居光祿坊閨閣皆能詩畫數十年前福州士女多

以詩筒往來偶和時謂之光祿派今則不聞此語矣

省識春風絕代佳三年有約思無涯金臺再到花時節

嬌馬誰同過六街

此幘比部戊子秋在京師已屬題余落解後未及索觀今忽忽北上倚裝

成此比部近送余詩云江亭重憶錢春筵崇敬花時節

隔年嬌馬踏殘韋曲路海棠落盡寺門前蓋去年黃徐

二太史招同餞春陶然亭酒罷余二人遂同游龍泉諸

蘭若詩故及之也余計明年春暮應在都門而比部方

居福州臨別作詩  
不能無感故及之

顧眉生添香圖爲李蘭屏比部題

自題云亭青蓮酒邊橫眼卓文君鏡裏舒眉偶  
作添香圖爲有情癡解嘲旁觀者女伴倩扶也

崇禎壬申撲蝶日吳江女史顧眉寫於問花樓

金陵六代稱佳麗南唐亦是風流地太祖重開十六樓  
秦淮自此繁歌吹可憐末葉作色荒留都轉瞬悲滄桑  
爲君試話眉樓事何止殘縑賸墨傷眉樓生小吳江女  
小字眉生貌楚楚鏡臺流影照青溪錦瑟按歌工白紵  
開筵共說顧家廚頓李王沙總不如門上橋頭壓樂部

幾人能見上鞦韆沈沈簾幕焚香日自寫癡情散愁疾

莫矜絕代色無雙

畫有私印女云無二無三

悔使教坊名第一文鴛

無計避長蛇彩鳳何當逐暮鴉嫁得長卿本名士豔稱

西子賸鄰家是時戎馬三邊北楚蜀烽塵關塞黑先帝

淒涼萬歲山美人零落六宮色但聞夫婿首投誠豈爲

閨中繾綣情馮道縱堪號長樂褚淵可惜誤平生回首

秦淮更何似寇家飄泊藥芳死傷心撫笛張魁官惆悵

彈琴卞道士薰香正護早朝衣那識青蓮晚節非姊妹

惟存柳如是紅顏白首兩同歸寒簾跪受門生爵石頭

重到增哀樂劫灰何處問迷樓殘照西風騎水閣卻傳

仙讌集瑤池西母東王笑語遲曾看小朝成昨夢忍能  
遺老競新詞節娘十娘慘來見月貌雲鬟都已變香木  
孩兒儻解愁此際聞嗁應掩面異時入奏豈無因正是  
卿家姓顧人蕭瑟繡衣蒙譴後蹉跎粉黛送終身丹青  
留得春長在披圖漫怨河山改想見妝慵睡起時倩扶  
擁火寒相待玉釵金縷故依然好事流傳二百年持較  
河東宜髣髴轉令花下思纏綿柳如是錢虞山稱之曰  
河東君世傳其畫像  
嘗見明人爲景翹翹作批把花  
閉門居圖今未知流落何所矣 下世人莫唱白門柳尙  
書自愧糟糠婦勾留不比鏡湖春潦倒難同信陵酒司  
勳薄倖又如何一點眉痕怨總多臨去留詩紅袖角人

閒處處感橫波

家篋仙明經招集兩農舍人書甫孝廉炯甫秀才  
餞余余先醉矣飲數觥而歸走筆東之

貧家翻好士此事世應稀置酒月當屋出門風滿衣長

愁恃友在屢醉覺吾非肯負題詩諾再來難可幾

篋仙素愛

余詩屢屬題許遇雙松圖計當於明日了此逋負也

蘭屏比部蘭卿太守招游烏石山遂由石畫園徧

觀荔水莊蒹葭草堂諸舊址循城行至鄰霄臺下

歸飲園中

大雅今寥落長貧更遠游喜逢名輩在復爲看山留廢

圃沈荒冢

勃水莊今半爲菜圃比部言泥濘中有唐寒人冢不知誰何歲暮水涸當表而出之

塘失故舟淪漣煙水態相送上城頭

園外六塘舊通舟楫前輩所嘗泛月

也者

百雉崇墉壯輒多王氏遺滄桑幾兵劫年代少人知手

拓存金石文工比色絲

比部草撰手捐諸輒文致皆極精確豈徒騎馬讖

此兆亦堪悲

懷古宜高望霸圖唐漢空山川勞設險骨肉屢爭雄半

壁連滄海千家九劫風飄蕭榕葉亂不辨故王宮

此地餘蘭若仍多忠懿營夕陽明古塔寒色合孤城客

久悲人代僧閒足世情一杯噉山茗揮手下方行

思伯子堂詩集卷十二

三

回首鄰甯石蒼然倚太虛  
迎人水邊月坐我畫中廬  
一斗蘇家酒小園庾信蔬  
竟須長夜飲明發意何如

蕭君遠村自壬午在福州別後今年十月始再相見而余怱怱將北上君有詞贈行故爲短歌以報君不見蕭夫子三十召試得未更四十無人肯薦爾酒酣作詩聊自喜何用金印大如斗好官或使人庸鄙又不見張亨甫二十足跡半東南三十倦游復因苦能斬江上蛟能射山甲虎不能棄故襦慷慨謁明主酒酣亦復愛悲歌撫劍茫茫感千古相逢話別近十載短鬢無多身健在寬饒何曾醒罵人幼安祇可長浮海朔風十

月氣蕭蕭匹馬曉飲烏龍湖西山積翠一千里待我高  
處迴鞭稍住亦不足道去亦不足言丈夫俯仰不得意  
四方萬里隨所便惜君今日無酒錢未能醉我江樓邊  
君看江水蒼茫處正似人生離合緣

許遇雙松圖爲篋仙題

畢宏韋偃不可見見此乃使雙眼明正疑空山欲落月  
蕭蕭或作風濤聲大枝小幹各不苟下筆慘澹窮經營  
固知能事無俗韻意匠既化如天成篋山愛詩若飢渴  
但對此畫皆詩情畫經一百二十載計其歲月君始生  
今年君又五十五以此自壽良不輕願君晚節慎自保



壽世豈藉千年苓石林風流文采在垂老方當思典型

許氏爲廬州舊族自明季王史先生後如鐵堂臨香代有文學石林其家別業在烏石山今廢矣

次早遂至比部太守宅各出詩及畫相贈薇卿亦

有詩時舟子已在門促行比部出宣和咒觥酌余

連飲十數觥日已昃矣命四人疾輿出城蓋雨農

西堂諸友方在彼坐待也在輿中口號奉別

何必攀條到灞陵

比部太守欲祖之西湖尊前百感一送之洪山橋余皆力辭

時增游秦蘇季貧非病去楚王郎賦漫能途路醉衝殘

臘雪畫圖吟憶小園燈隔年主客期相見病馬泥塗或

奮騰

比部太守明年冬抄可至都門薇卿及蘇君明年若舉鄉貢亦可相見

洪山橋口號別雨農舍人

朔雲何處望燕關  
匹馬蕭蕭去百蠻  
薦禰未教尤北海  
就桓莫恨出東山  
客中送客難爲別人下  
依人那不艱  
正有平生高適在  
肯稱書記寄詩還

又口號別懋誠布衣

每到艱難覺獨賢  
病愁俠骨故依然  
從教汝後猶吾後  
君屢以幼孫相託  
肯向王前竟士前  
屢別漸憐非少日  
再來相見待何年  
臨歧恥灑窮途淚  
請看千金劍尙懸

口號別葉十三慎勤

憲呂

荀卿西堂乾生雪  
樵

舊好新懽並此時

慎勤雪樵皆今年始相識

長亭坐待夕陽垂  
情如

骨肉難爲別游浩塵更可知老樹數行漁子屋蒼山

一帶女神祠

晴象於天后宮

明朝寫我霑襟地

諸友欲作洪橋送別圖奇余

倍憶連宵痛飲悲

何處停舟駐馬蹏迢迢川陸朔風淒雁辭南鄉人同北  
水自東流客更西此去羈孤紛易感古來福慧本難齊  
天涯敢忘臨歧意正有長橋柱可題

口號別香溪卽次贈別元韻

江東名士出菰蘆爲我臨歧倒玉壺十月冰霜遲去馬  
九邊關塞夢飛狐當時未必知揚子異日多應憶灌夫  
萬里天涯何處望滄波無際片帆孤

口號別炯甫

半載相依若比鄰送歸惆悵此江濱美如冠玉甯貧賤  
游盡黃金足苦辛極浦去帆銜落日亂山叢樹向征人  
清風堂口當時月照汝他宵定搶神

志局在吉鹿巷劉氏祠宋鄭性之清

風堂故址也  
君時爲校對